



**Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa**

Na osnovu čl. 36. stav 2. i čl. 52. Poslovnika Općinskog vijeća Ilijaš («Službene novine Kantona Sarajevo», br.2/10, 18/15 i 7/19), člana 13. Pravilnika o procedurama i kriterijima za dodjelu priznanja Općine Ilijaš («Službene novine Kantona Sarajevo», broj 4/15), te člana 17. Odluke o priznanjima Općine Ilijaš («Službene novine Kantona Sarajevo», broj 1/15), Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš na 16. sjednici održanoj dana 15.01.2020. godine razmatrala je dostavljene prijedloge kandidata za dodjelu javnih priznanja Općine Ilijaš, te podnosi

**IZVJEŠTAJ**

Komisija je konstatovala da je po zatvaranju Javnog poziva za dostavljanje prijedloga kandidata za dodjelu javnih priznanja Općine Ilijaš, broj: 01/1-02-Sl./19 od 05.12.2019. godine pristiglo ukupno 7 (sedam) kovertiranih prijava.

U ostavljenom roku pristiglo je 6 prijedloga, dok je 1 prijedlog stigao neblagovremeno.

Prijedlozi koji su stigli u ostavljenom roku su:

1. Mjesna zajednica Srednje – predlaže Mujo Karavdić;
2. Organizacija porodica Šehida i poginulih boraca Općine Ilijaš – predlaže Zekija Avdibegović;
3. Mjesna zajednica Ilijaš Grad – predlaže Zekija Avdibegović;
4. Stranka demokratske akcije, Općinska organizacija Ilijaš – predlaže Zekija Avdibegović i Mujo Karavdić;
5. Bošnjačka zajednica kulture "Preporod" u BiH, Općinsko društvo Ilijaš - predlaže Mujo Karavdić i Zekija Avdibegović;
6. Vijećnik Almir Špiodić – predlaže Vijeće roditelja OŠ "Podlugovi" i informativni web portal IlijašNet

Prijedlog Mjesne zajednice Ljubina, koji je dostavljen po isteku roka za dostavu prijedloga kandidata za dodjelu Javnih priznanja Općine Ilijaš, odnosno dana 25.12.2019. godine, nije razmatran, zbog ne blagovremenosti.

Komisija je o svom radu dala mišljenje sa obrazloženjem o pojedinačnim prijedlozima i isto dostavlja Općinskom vijeću Ilijaš, shodno članu 13. Pravilnika o procedurama i kriterijima za dodjelu priznanja Općine Ilijaš, te članu 17. Odluke o priznanjima Općine Ilijaš.

**1. Plaketa Općine Ilijaš – Zekija Avdibegović**

Zekija Avdibegović rođena je u Ilijašu i čitav svoj život provela je u svom gradu. Na početku agresije na našu državu u vohoru rata gubi muža i sina. Majka šehida i supruga

šehida u BiH je prepoznata kao borac za pravdu. Osnivačica Udruženja nestalih općine Ilijaš, kroz Udruženje vodi borbu za nestale sa područja općine Ilijaš. Učesnica više međunarodnih panela za pitanje nestalih i učesnica direktnih razgovora sa Tužilaštvom iz Haga. Organizator mnogih protesnih šetnji i aktivnosti koji imaju za cilj da animiraju domaće pravosuđe da procesuiraju odgovorne za zločine. Imenovana je oličenje hrabrosti i upornosti bosanske žene. Zekija često ističe tu hrabrost, kako kroz djela tako i kroz riječi: "Da su agresori ubili žene, možda ne bismo dokazali genocid".

## **2. Plaketa Općine Ilijaš – Mujo Karavdić**

Mujo Karavdić rođen 03.01.1969. godine u mjestu Homar, općina Ilijaš. Osnovnu školu završio u Srednjem, dok je srednju Saobraćajnu školu završio u Varešu. Obzirom na radno mjesto koje obavlja, izvršio je i dodatne edukacije i kvalifikacije, te stekao zvanje profesionalnog vozača V stepena, što podrazumijeva državni ispit i mogućnost upravljanja vozilima u međunarodnom cestovnom saobraćaju. Također, posjeduje niz certifikata iz raznih oblasti, a jedan od njih je međunarodni Certifikat za rad na računaru i upravljanje projektima UNDP-a. Prije rata živio je u selu Homar, tačnije do 1990. godine, kada je i zasnovao prvi radni odnos u firmi Udarnik u Brezi, gdje ga zatiče i rat. U aktivnosti Patriotske lige uključen je krajem 1991. godine, a kasnije u mjesecu aprilu, aktivno je uključen u odbranu BiH. Kao pripadnik Armije BiH, zadobio je teške tjelesne povrede ranjavanjem. Hitno je prebačen u Zenicu, gdje mu je urađena rekonstrukcija arterije femorakle (ARTERI FEMORALXDEX), jer je bio životno ugrožen. U martu 1993. godine, došlo je do pogoršanja zdravstvenog stanja, kao posljedice ranjavanja i izmješten je na dalje liječenje u Saudijsku Arabiju, gdje je zadržan do 1994. godine. Povratkom u BiH kao teški invalid, ponovo uzima učešće u odbrani BiH. Od aprila 2007. godine radi u JU Domovi zdravlja Kantona Sarajevo. Trenutno radi na poslovima vozača sanitetskog vozila u Domu zdravlja Ilijaš. Od 2009. godine izabran je u Savjet MZ Srednje, podružnica Homar. Svojim radom želi da afirmira povratak u svoje rodno mjesto, a glavni cilj uključivanja u rad Savjeta bio mu je izgradnja uništene infrastrukture u Mjesnoj zajednici. Jedan od prvih projekata koje je uradio uz pomoć Općine Ilijaš je most na rijeci Rači na lokalitetu Tamni Do. To je most koji je vrlo značajna putnoj komunikaciji prema selu Homar. U sklopu ovog projekta izmjenjen je i dio vodovodne mreže u dužini od 1500 m, te su obnovljena i seoska korita vrijednosti oko 20.000 KM. Sljedeći cilj mu je bio gradnja još jednog mosta u Srednjem na glavnoj putnoj komunikaciji prema naseljima Sokolina, Homar, Šići i Ozren. Izgradnja ovog mosta je od posebnog značaja za sigurnost i dolazak djece u osnovnu školu, koja se nalazi u neposrednoj blizini. Imajući u vidu da je ovaj most projektovan i izgrađen po svim standardima cestovnog prometa, vrijednosti projekta oko 100.000 KM.

U 2016. godini, zajedno sa još nekoliko Mjesnih zajednica na području općine Ilijaš, MZ Srednje ulazi u realizaciju važnog projekta za unaprjeđenje MZ-a od strane UNDP-a. Glavni nosilac svih aktivnosti u realizaciji ovog projekta, jednoglasnom odlukom Savjeta je predložen i imenovan Mujo Karavdić. Potreba za realizacijom projekta UDP-a, javila se i potreba za stručnim usavršavanjem i posjedovanjem određenih Međunarodnih certifikata upravljanjem projektima, što je uspješno završio i iste posjeduje. Jedan od glavnih projekata realizovan sa UNDP-om i općinom Ilijaš je sportska ploha u Srednjem, vrijednost projekta oko 100.000 KM. Rekonstrukcijom ove sportske plohe, dobiven je novi izgled sa tribinama, ogradom, a pored rijeke je urađen potporni zid, koji je ujedno i zaštita od poplavi oštećenja sportske plohe. Sportska ploha je proširena i čitava površina je asfaltirana novim slojem asfalta.

Jedn od glavnih ciljeva imenovanog u 2017. godini bio je asfaltiranje glavne putne komunikacije iz Srednjeg prema mjestu Sokolina, koji je uspješno realizovan u saradnji sa Općinom Ilijaš i Sarajevo šumama, u dužini od 5 km sa dva sloja asfalta, vrijednosti

cca 700.000 KM.

Osim aktivnosti u MZ Srednje, uporedo je provodio aktivnosti u svom rodnom mjestu na kupovini zemljišta za gradnju prvog mesdžida i vjerskog objekta u selu Homar. Kupovinu zemljišta, kao i početak gradnje vjerskog objekta finansirao je vlastitim sredstvima. Kada su mještani sela Homar, njegovi sugrađani i prijatelji iz općine Breza, prepoznali ozbiljnost i vrijednost objekta, aktivno su se i oni uključili u gradnju. Glavno finansiranje i vođenje projekta bilo je na plećima imenovanog.

U 2018. godini sa puno elana, kandidovao je projekat nastavka izgradnje putne komunikacije u dužini od 2 km Sokolina-Tamni Do, vrijednosti cca 300.000 KM.

U 2019. godini, sa dobrom saradnjom sa općinskim načelnikom Općine Ilijaš i njegovim pomoćnicima uspješno je realizovan i projekat asfaltiranja puta Tamni Do-Homar u dužini od 1300 m, vrijednost projekta cca 180.000 KM. Ta godina se može uzeti kao najsretnija, jer je uspješno završena kompletna putna infrastruktura putnom pravcu Srednje- Homar u dužini 9 km, što je omogućilo bržu i sigurniju komunikaciju prema regionalnom putu Sarajevo-Tuzla. Također, iste godine je završena gradnja prvog vjerskog objekta u Homaru, kao i spomen česma šehidima – pripadnicima armije BiH i civilnim žrtvama rata. Na području MZ Srednje, imenovani je učestvovao u realizaciji projekata u vrijednosti cca 2.000.000 KM.

Komisija je jednoglasno dala saglasnost na navedene prijedloge.

Shodno naprijed navedenom, Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa, predlaže Općinskom vijeću Ilijaš da na temelju Izvještaja, donese Odluku o dodjeli javnih priznanja općine Ilijaš za 2019. godinu.

S poštovanjem,

**Dostavljeno:**

1. Općinskom vijeću Ilijaš (x25) i
2. a/a.

Predsjednik Komisije /  
*Seherzada Čosić*  
Seherzada Čosić

\*\*\*\*\*

U/I: 126, Ilijaške brigade br. 6, 71360 Ilijaš  
Tel: ++387 33 580-620, 580-985, fax: 400-505  
Transakcijski račun kod VAKUFSKE BANKE d.d. Sarajevo: 18020000000710543  
e-mail: pv@ilijas.ba  
Broj certifikata 209388

